

ten lufft / ~~er~~ er ist wiß jr natur / etlich verkriechē sich in die tieff  
der hōler des ~~er~~ trichs / der gleichē die giftigen bösen wurtzen /  
kreüter vnnnd ander böß vnnütz ding / wachsen wenig / nemen  
ab / steen auß vñ verderben / Darumb sicht man in rechten ges  
sunden jarn wenig Schwam vñ ander vnnütz ding wachsen.

Zu solchen zeyten haben die fromen leüdt vil glücks / nemen  
auff am gesundt / am reichthum vñ in allē jr sache vñ fürnemē /  
zu solchen zeyten regnieren from erber göttlich leüdt / die zu frid  
vnd ainigkait allzeyt rathen vñ den gemainen nutz betrachtē /  
aber die bösen haben alles vnglück / vñ gen ynen all jr anschleg  
hindersich / dann die bösen Planeten / vnter welchen sy gepozn  
schwach vnd vnglückselig sein.

Wan aber ein gestirn thumbt / das böß giftig dampff be  
wegt vnd übersich zeucht / die dem menschen vñ andern güten  
thieren von natur zuwider sein / die vergiften den lufft / das die  
menschē / sonderlich die fromen vñ güten thier / nit können auff  
nemen / der gleichen die güten frucht / vnd nemen nur ab / vnd  
wachsen alle ding übel / darauß folgt teürung / vnnnd haben die  
fromen leüdt vñ die güten thier vil widerwertigkait vñ angst böß /  
der gleichen gerath alles das übel was dem menschen vnd an  
dern thieren dienstlich sein mag.

Aber die bösen giftigē thier (nach dem der giftig lufft inen  
dienstlich vnd bequem ist) die mern sich / darumb zu den selbi  
gen zeyten sicht man vil böß vñ vnnütz gewürm die den men  
schen vnd güten thiern / auch den güten fruchten schedlich vñ  
nachtailig sein / der gleichen mern sich fast die bösen giftigen  
vnd vnnützen kreüter / wurtzen vnd pawm / Es wachsen auch  
zu den selbigen zeyten vil Schwamen an den pawmen vñ auß  
dem edtrich / vnd was vō natur gut ist / wirdt durch den bösen  
lufft mangelhaftig vnd verdirbt / darumb zu den selbigen zey  
ten / die güten frucht fast wurmässig werden / vnd die bösen vn  
nützen frucht geraten wol. Zu solchē zeyten / nemen die bösen  
leüdt überhandt / vñ vnter steen sich mit gewalt zuregieren vñ